

Ma ni a matu Chyum Laika
Kumhpa



Sumsing Lamu,
Karai Kasang a
grai tsawm
ai nta



Ka Lajang ai: Edward Hughes

Sumla Sama ai: Lazarus
Alastair Paterson

Hkrang Jahtuk ai: Sarah S.

Ga Gale ai: Doi Mai Bashi


Galaw Shapraw ai: Bible for Children
www.M1914.org

©2020 Bible for Children, Inc.


Ahkaw Ahkang: Ndai maumwi hpe, hpaga hku n dut ai sha,
ginlen la, (snr) dip shapraw la mai ai.



Yesu mungkan ga e naw nga yang, sape ni hpe,
sumsing lamu a lam tsun dan wu ai. Dai hpe "Nye
Wa A Nta" ngu nna Shi tsun wu ai. Dai nta hta,
grai kaba nna grai tsawm ai,
gawk ni grai law nga nga ai.
Sumsing lamu gaw grai
kaba nna, mungkan ga
na nta ni hta grau
tsawm nga ai.



Yesu tsun da ai gaw, "Nanhte a matu nga shara lajang na she, ngai wa na ngai. Shing rai ngai wa nna, nanhte a matu nga shara lajang da nhtawm, ngai nga nga ai shara e nanhte mung nga lu hkra, ngai bai sa nna, nanhte hpe ngai hpang de woi la na made ai."



Yesu gaw, Shi bai hkrung rawt ai hpang, sumpsing
lamu de lung mat wu ai. Shi a sape ni yu nga yang,
Shi gaw lamu de lung mat nna, summwi gaw shi hpe
hkap ka-up woi mat wu ai.



Dai aten kaw nna, Hkristan ni gaw, 'bai du sa nna, bai sa woi la na,' ngu ai Yesu a ga sadi hpe adum nga ai.

Yesu gaw, n myit mada ai aten hta akajawng sha du sa wa na hpe tsun da wu ai.

Rai yang, Yesu garai n du si ai laman, si mat ai Hkristan ni a matu gaw gara hku ta? Chyum Laika hta, shanhte gaw Madu Yesu hte rau re.




KARAI KASANG
HTE RAU


Si mat ai gaw Karai Kasang hta hkrung nga ai re.



Chyum Laika hta jahtum rai nga ai 'Singran Laika'
gaw Sumsing lamu a mauhpa lam hpe tsun dan nga ai.
Karai Kasang gaw shara shagu hta nga ai. Raitim,
Karai Kasang a tingnyang gaw sumsing lamu hta sha
rai nga ai.



Lamu kasa ni hte sumsing kaw
na nsoi nsa rawng ai ni yawng
gaw Karai Kasang hpe shakawn
hkungdawn ma ai. Si mat sai
Karai Kasang a masha ni yawng
mung dai zawn sha rai nga ai.




Shanhte shakawn ai hta na mahkawn ga nkau mi
gaw: NANG Gaw A LU NGA AI. AMYU YAWNG
HTA NA MUNG, KARAI KASANG
A MATU NA A ASAI THE
MASHA HPE MARI LA NIT
DAI HTE, HKAWHKAWM
HTE HKINJAWNG
AMYU
SHATAI
NU AI.
(Shingran
5:9)




Chyum Laika a jahtum maga de gaw, sumsing lamu hpe
"Yerusalem Mare Ningnan" hku nna htawng madun da
nga ai. Dai mare gaw grai kaba nna, mare bunghku
gaw galu kaba ai hte tsaw la nga ai. Dai bunghku gaw
nagahtoi lungseng rai nna, bunghku npawt ni gaw, htoi

tu ai lungseng

amyu
my hte
mawn da
nga ai.
Dai mare a
chyinghka ni
hpe mung Pale
kaba ni hte
galaw da nga ai.



Dai pale chyinghka ni gaw, galoi mung hpaw da nga ai.
Kata de shang yu ga... Wo! Sumsing lamu gaw kata
de grau nna tsawm nga ai. Dai sumsing mungdan gaw
aja hte galaw da nna, san seng ai pat zawn rai nga ai.
Lam hpe mung
aja nyep
da ai.




Karai Kasang a tingnyang kaw na lwi hkrat ai asak hka-nu gaw, sanseng tsawm nga ai. Dai hka-nu makau e mung, asak hpun ni tu nga ai. Dai gaw Edin sun kata e tu ai hpun zawn rai nga ai. Dai hpun gaw mau hpa rai nga ai. N bung ai asi hpan 12 si nna, Shata mi hta asi hpan mi si nga ai. Dai hpun a alap ni gaw ana ahkra ni hpe mai tsai na matu rai nga ai.



Sumsing lamu hta nhtoi a matu, Jan/Shata ni n ra ai. Karai Kasang a mau hpa hpung shingkang gaw ntoi jaw nga ai. Nsin ngu ai galoi n nga ai.




Sumsing lamu hta nga ai dusat ni mung, grai shai nga ai. Shanhte yawng gaw manang langai zawn sha hkuhkau nga ai. Chyahkyawn ni hte Sagu ni gaw ushat arau sha nga ai. Hkanghkyi ni mung Dumsu zawn tsing hpe sha nga ai. Karai Kasang tsun ai gaw, "Nye a sanseng ai bum ni hta shanhte gaw machyi hkra/hten bya hkrum lu na n rai."



Anhte a ginra hpe yu yang, sumsing lamu hte grai shai ai hpe myit dum ga ai.

Sumsing lamu hta, Masin pawt ai ga ni n na lu ai. Galaw ga la, manawm masham, tinggyeng lam ni n nga ai.




Lagu lagut n nga ai majaw, chyinghka ni hpe Zaw n shakap ra ai. Masu magaw, masha sat ai hte n hkru ai masha langai mung n nga ai. Sumsing lamu hta yubak mara ngu ai n nga ai.



Sumsing lamu hta Karai Kasang
hte rai yang myiprwi pru ai lam
n ga ai. Kalang marang, Karai
Kasang a masha ni gaw shanhte
a aprat hta myit n pyaw ai lam
a majaw, myiprwi pru ai raitim,
Sumsing lamu hta gaw Karai
Kasang shanhte a myiprwi
yawng hpe, katsut ya na ra ai.



Sumsing lamu hta si ai ngu n nga ai. Karai Kasang a
masha ni gaw, Shi hte htani htana rau rai nga ai.
Myit n pyaw lam, myiprwi pru ai lam, machyi makaw
ai lam, yawn hkren ai lam,
lup mahkau ai lam
ni hpa n nga sai.
Karai Kasang
hte htani htana
ngwi pyaw let
nga lu sai.




Sumsing lamu gaw num kasha, la kasha (ni hte asak ram ai) ni yawng a matu rai nga ai. Shahte gaw Yesu hpe madat mara let, hkyela Madu ngu nna kamsham nga ai. Sumsing lamu hta Sagu kasha a asak laika ngu ai laika langai nga ai. Dai hta, masha a mying jahpan ka da nga ai. Kade a amying ni ka da ai hpe, nang chye ai i? Madu Yesu hpe kamsham ai ni yawng a mying rai nga ai.

Na a mying mung lawm sai kun?



Chyum Laika hta sumsing lamu hte seng nna, jahtum na saw shaga ai ga gaw; "Dai Wenyi hte Num ningnan gaw, 'sa Rit!' ngu ma ai; na la ai wa mung, 'Sa rit,' ngu u ga. Hpang kara ai wa gaw sa ru ga; lu mayu ai wa kadai mung, manu jahpu n hkrat ai sha, asak ntsin lu la u ga."



Sumsing Lamu,
Karai Kasang a grai tsawm ai nta

Karai Kasang a Mungga kaw na Maumwi,
Chyum laika,

hta mu lu ai

Yawhan 14; 2 Korinhtu 5;
Shingran 4, 21, 22

"Na a Mungga chyinghka lam gaw nhtoi jaw
nga ai." Shakawn Kungdawn 119:130



Ngut Sai



Chyum maumwi ni gaw, anhte hpe hpan da nna, Shi hpe chye shangun mayu ai Karai Kasang a mauhpa lam ni hpe tsun dan nga ai re.

Karai Kasang gaw, anhte yubak mara tawt lai ai hpe Shi chye wu ai. Yubak a ari gaw si ai re. Raitim Karai Kasang gaw anhte hpe grai tsawra ai majaw, shi a kasha shingtai Yesu hpe, mungkan ga de shangun dat nna, wudang ntsa e si hkam let, anhte a yubak mara a matu, ari hkrum sai re. Madu Yesu gaw kalang bai hkrung rawt nna, Sumsing Lamu de lung mat sai re. Nang madu Yesu hpe kam ai hte, na a yubak mara ni hpe raw dat hkau na matu hpyi nem yang, Shi raw dat kau ya na re. Shi gaw, na a kata e hkrung nga nna, Shi hte rau prat tup lu nga na re.

Ndai lam gaw, kaja nan tengman ai lam re hpe nang kamsham yang, Karai Kasang hpe ndai hku hpyi nem u: Tsawra ai Yesu, Nang gaw, Karai re ai sha n-ga, shinggyim masha hku sa pra nna, anhte a yubak mara a matu si hkam let, kalang bai hkrung rawt wa sai hpe, ngai kamsham ga ai. Chyeju hte, nye a prat de Nang shang let, nye a yubak mara ni hpe rawdat hkau ya rit. Shingrai yang, ngai gaw prat ningnan lu nna, lanimi na ninghtoi hta Nang hte rau, lu nga na re. Na a matsun maroi ga hpe hkan nang chye na hte, Na a kasha langai hku sak hkrung chye na matu ngai hpe karum la et.

Shani shagu Chyum laika hti let, Karai Kasang hte ga shaga u! Yawhan 3:16

